



CUKAI PERKHIDMATAN 2018

**PANDUAN:
PERKHIDMATAN PENGHANTARAN
DAN PENGAGIHAN ELEKTRIK**

Dikeluarkan oleh:

**Jabatan Kastam Diraja Malaysia,
Bahagian Cukai Dalam Negeri,
Putrajaya.**

27 Februari 2024

Penerbitan

Tarikh: 27 Februari 2024.

Panduan Perkhidmatan Penghantaran Dan Pengagihan Elektrik pada 4 Ogos 2021 ditarik balik dan digantikan dengan Panduan Perkhidmatan Penghantaran Dan Pengagihan Elektrik yang disemak semula pada 27 Februari 2024.

Notis Hakcipta

Hak Cipta 2024 Jabatan Kastam Diraja Malaysia

Hak Cipta terpelihara. Tertakluk kepada Akta Hakcipta, 1987 (Malaysia).

Panduan ini boleh ditarik balik, sama ada secara keseluruhannya atau sebahagiannya, dengan penerbitan panduan baru. Tiada bahagian daripada penerbitan ini boleh diterbitkan semula, disimpan dalam sistem pengambilan atau dihantar dalam apa-apa bentuk, termasuk di tempat untuk tujuan komersil tanpa kebenaran bertulis daripada Jabatan Kastam Diraja Malaysia (JKDM). Dalam menghasilkan semula atau mengutip kandungan, pengiktirafan sumber diperlukan.

Penafian

Maklumat ini bertujuan untuk memberikan pemahaman umum mengenai layanan yang relevan di bawah Cukai Perkhidmatan dan bertujuan untuk memberikan pemahaman umum tentang kewajipan pembayar cukai. Ia tidak bertujuan untuk mengatasi semua masalah cukai yang mungkin timbul secara komprehensif. Walaupun JKDM telah mengambil inisiatif untuk memastikan bahawa semua maklumat yang terkandung di dalam Panduan ini adalah betul, JKDM tidak akan bertanggungjawab terhadap sebarang kesilapan dan ketidaktepatan yang mungkin terkandung, atau apa-apa kerugian kewangan atau lain-lain yang dilakukan oleh individu menggunakan maklumat dari Panduan ini. Semua maklumat adalah semasa persediaan dan tertakluk kepada perubahan apabila perlu.

KANDUNGAN

| | |
|--|---|
| KANDUNGAN | i |
| PENGENALAN..... | 1 |
| TERMINOLOGI..... | 1 |
| SKOP CUKAI | 2 |
| PERUBAHAN KADAR CUKAI PERKHIDMATAN | 3 |
| LAYANAN CUKAI PERKHIDMATAN KE ATAS PERKHIDMATAN ELEKTRIK ... | 3 |
| LAYANAN CUKAI PERKHIDMATAN KE ATAS PERKHIDMATAN ELEKTRIK DI KAWASAN YANG DITETAPKAN (KD) DAN KAWASAN KHAS (KK)..... | 4 |
| PENDAFTARAN DAN TANGGUNGJAWAB ORANG BERDAFTAR..... | 4 |
| SOALAN LAZIM..... | 6 |
| PERTANYAAN | 9 |
| BANTUAN DAN MAKLUMAT LANJUT MENGENAI SST..... | 9 |

PENGENALAN

1. Cukai Perkhidmatan adalah cukai penggunaan yang ditadbir oleh Akta Cukai Perkhidmatan 2018 dan perundangan subsidiarinya. Tarikh kuat kuasa Akta Cukai Perkhidmatan 2018 adalah pada 1 September 2018.
2. Cukai perkhidmatan dikenakan ke atas perkhidmatan yang ditetapkan iaitu "perkhidmatan yang boleh dikenakan cukai".
3. Seseorang yang menyediakan perkhidmatan yang dikenakan cukai melebihi nilai perkhidmatan bercukai yang ditetapkan dikehendaki didaftarkan di bawah Akta Cukai Perkhidmatan 2018 dan dikenali sebagai "orang berdaftar" dan perlu mengenakan cukai perkhidmatan ke atas perkhidmatan kena cukai yang dibuat kepada pelanggannya.
4. Panduan ini disediakan untuk membantu anda dalam memahami layanan cukai perkhidmatan ke atas perkhidmatan penghantaran dan pengagihan elektrik.

TERMINOLOGI

5. Bagi maksud panduan ini:
 - (i) **"Perkhidmatan Elektrik"** ertinya perkhidmatan yang ditetapkan di ruang (2), Butiran 9, Kumpulan I, Jadual pertama Peraturan-peraturan Cukai Perkhidmatan 2018.
 - (ii) **"Kawasan Ditetapkan" (KD)** bermaksud Labuan, Langkawi, Pangkor dan Tioman. (Seksyen 2, Akta Cukai Perkhidmatan 2018);
 - (iii) **"Kawasan Khas" (KK)** bermaksud sebarang zon bebas, gudang berlesen dibawah seksyen 65, Akta Kastam 1967 (AK1967) dan gudang pengilangan berlesen di bawah Seksyen 65A (AK1967)

dan Kawasan Pembangunan Bersama (KPB), Pengkalan Bekalan Petroleum (Seksyen 77 B, AK 1967) (Seksyen 2, Akta Cukai Perkhidmatan 2018).

SKOP CUKAI

6. Berkuatkuasa 1 September 2018, di bawah Kumpulan I, Butiran 9, Jadual Pertama, Peraturan-Peraturan Cukai Perkhidmatan 2018, perkhidmatan penyediaan elektrik kepada pengguna domestik adalah tertakluk kepada cukai perkhidmatan.

7. Pembekalan tarif elektrik bagi Semenanjung Malaysia dikawal selia oleh Suruhanjaya Tenaga Malaysia di bawah Akta Bekalan Elektrik 1990, manakala untuk Sarawak Ordinan Bekalan Elektrik Sarawak 1982 dan Akta Bekalan Elektrik (Syarikat Pengganti) 1990 dan Akta Lembaga Letrik Sabah 1983 untuk Sabah.

8. Aktiviti utama dalam industri elektrik adalah penjanaan, transmisi dan pengagihan elektrik. Pada asasnya, rangkaian bekalan elektrik melibatkan tiga proses sebelum ianya dibekalkan kepada pengguna. Di Semenanjung Malaysia pihak yang membekal elektrik adalah Tenaga Nasional Berhad (TNB) dan Pengeluar Tenaga Bebas (IPP), Sabah Electricity Sdn Bhd (SESB) bagi Sabah, Syarikat SESCO Berhad (SESCO) bagi Sarawak.

9. IPP di Semenanjung Malaysia seperti Genting Sanyen Power Sdn Bhd, Powertek Sdn Bhd dan Port Dickson Sdn Bhd yang dilesenkan oleh Kerajaan untuk menjana elektrik. Elektrik yang dijana kemudiannya dibekalkan kepada Tenaga Nasional, Bahagian Transmisi untuk memastikan kecukupan dalam Sistem Grid Nasional sebelum ianya dibekalkan kepada TNB *Distribution* yang akan mengedarkan elektrik tersebut kepada pengguna domestik, komersil dan industri. Pembekalan elektrik di Sabah ialah SESB manakala di Sarawak ialah SESCO.

10. Pembekalan elektrik adalah di bawah bidang kuasa Kementerian Tenaga, Teknologi Hijau dan Air.

PERUBAHAN KADAR CUKAI PERKHIDMATAN

11. Selaras dengan subseksyen 10(2) ACP 2018, Menteri Kewangan telah menetapkan kadar cukai perkhidmatan dinaikkan daripada 6% kepada 8% mulai 1 Mac 2024 ke atas semua perkhidmatan bercukai kecuali penyediaan perkhidmatan makanan dan minuman, perkhidmatan telekomunikasi, perkhidmatan ruang letak kenderaan dan perkhidmatan logistik. Kadar cukai perkhidmatan untuk kad kredit dan kad caj kekal dikenakan pada RM25/tahun.

12. Penyediaan perkhidmatan yang ditetapkan di ruang dua (2), Butiran 9, Kumpulan I, Jadual Pertama, Peraturan-Peraturan Cukai Perkhidmatan 2018 oleh orang kena cukai penyedia perkhidmatan penghantaran dan pengagihan elektrik adalah tertakluk pada kadar 8% kuat kuasa mulai 1 Mac 2024.

13. Layanan peralihan perubahan kadar cukai perkhidmatan boleh merujuk kepada **Panduan Perubahan Kadar Cukai Perkhidmatan**.

LAYANAN CUKAI PERKHIDMATAN KE ATAS PERKHIDMATAN ELEKTRIK

14. Penyediaan 600 unit pertama elektrik kepada pengguna domestik bagi suatu tempoh minimum dua puluh lapan hari untuk satu kitaran pembilan tidak tertakluk kepada cukai perkhidmatan.

15. Cukai perkhidmatan akan dikenakan ke atas perkhidmatan elektrik kepada pengguna domestik selain daripada pengguna domestik dalam kawasan yang ditetapkan bagi kegunaan yang melebihi 600 kWh bagi suatu tempoh minimum dua puluh lapan hari untuk satu kitaran pembilan.

16. Pengecualian penggunaan 600 kWh pertama hanya diberikan ke atas kitaran pembilan tidak kurang daripada 28 hari sahaja.

17. Jadual di bawah menerangkan layanan cukai perkhidmatan ke atas penggunaan elektrik dan kitaran bil bulanan.

| No. | Penggunaan (kWh) | Kitaran Bil | Tertakluk kepada CP |
|-----|------------------|-------------|--------------------------|
| 1. | > 600 | ≥ 28 hari | Ya (601 kWh dan ke atas) |
| 2. | ≤ 600 | ≥28 hari | Tidak |
| 3. | ≤ 600 | < 28 hari | Ya (Jumlah penggunaan) |
| 4. | > 600 | < 28 hari | Ya (Jumlah penggunaan) |

LAYANAN CUKAI PERKHIDMATAN KE ATAS PERKHIDMATAN ELEKTRIK DI KAWASAN YANG DITETAPKAN (KD) DAN KAWASAN KHAS (KK)

18. Mulai 6 September 2018, perkhidmatan elektrik yang diberikan di kawasan yang ditetapkan (KD) adalah dikecualikan daripada dikenakan cukai perkhidmatan.

19. Walau bagaimanapun, perkhidmatan elektrik di Kawasan Khas (KK) adalah tertakluk kepada cukai perkhidmatan merujuk Seksyen 55, Akta Cukai Perkhidmatan 2018.

PENDAFTARAN DAN TANGGUNGJAWAB ORANG BERDAFTAR

20. Pembekal perkhidmatan yang mencapai nilai perkhidmatan bercukai yang ditetapkan bagi perkhidmatan elektrik adalah dikehendaki berdaftar dibawah Akta

Cukai Perkhidmatan 2018. Untuk maklumat lanjut, sila rujuk **Panduan Pendaftaran Cukai Perkhidmatan**.

21. **Orang berdaftar adalah bertanggungjawab untuk:**

- (i) Mengenakan cukai perkhidmatan ke atas perkhidmatan bercukai;
- (ii) Mengeluarkan invoice kepada pelanggan berkenaan dengan apa-apa transaksi yang berkaitan dengan penyediaan perkhidmatan bercukai;
- (iii) Mengemukakan penyata cukai perkhidmatan SST-02 secara elektronik dan membayar cukai perkhidmatan sebelum tarikh tamat tempoh;
- (iv) Menyimpan rekod yang sewajarnya berhubung dengan transaksi cukai perkhidmatan.

Untuk maklumat lanjut mengenai tanggungjawab orang berdaftar, sila rujuk **Panduan Umum Cukai Perkhidmatan**.

SOALAN LAZIM

| 1. | S | : Apakah layanan cukai perkhidmatan ke atas perkhidmatan elektrik kepada pengguna domestik? | | | | | | | | | | | | | | | | | | | | | | | | |
|-------------------------|---------------------------|---|-------------------------|---------------------------|-------------------|-------------------|-----|-----|-------|-------|-----|-----|-------|-------|-----|-----|-------|--------|-----|-----|-------|-------|--------|-----|--|--------|
| | J | : Perkhidmatan elektrik kepada pengguna domestik hanya dikenakan cukai perkhidmatan ke atas penggunaan elektrik yang melebihi 600kWh bagi suatu tempoh minimum 28 hari untuk satu kitaran bil. | | | | | | | | | | | | | | | | | | | | | | | | |
| 2. | S | : Apakah layanan cukai perkhidmatan ke atas perkhidmatan penyediaan kepada pengguna komersial? | | | | | | | | | | | | | | | | | | | | | | | | |
| | J | : Perkhidmatan elektrik kepada pengguna komersial adalah tidak tertakluk kepada cukai perkhidmatan. | | | | | | | | | | | | | | | | | | | | | | | | |
| 3. | S | : Penggunaan elektrik oleh En. Khalid bagi tempoh bil 17 April 2019 sehingga 16 Mei 2019 (30 hari) adalah sebanyak 765kWh. Berapakah jumlah cukai perkhidmatan yang dikenakan kepada En. Khalid? | | | | | | | | | | | | | | | | | | | | | | | | |
| | | <table border="1"> <thead> <tr> <th>BLOK TARIF (kWh)</th> <th>Blok Prorata (kWh)</th> <th>Kadar (RM)</th> <th>Amaun (RM)</th> </tr> </thead> <tbody> <tr> <td>200</td> <td>200</td> <td>0.218</td> <td>43.60</td> </tr> <tr> <td>100</td> <td>100</td> <td>0.334</td> <td>33.40</td> </tr> <tr> <td>300</td> <td>300</td> <td>0.516</td> <td>154.80</td> </tr> <tr> <td>300</td> <td>165</td> <td>0.546</td> <td>90.09</td> </tr> <tr> <td>Jumlah</td> <td>765</td> <td></td> <td>321.89</td> </tr> </tbody> </table> | BLOK TARIF (kWh) | Blok Prorata (kWh) | Kadar (RM) | Amaun (RM) | 200 | 200 | 0.218 | 43.60 | 100 | 100 | 0.334 | 33.40 | 300 | 300 | 0.516 | 154.80 | 300 | 165 | 0.546 | 90.09 | Jumlah | 765 | | 321.89 |
| BLOK TARIF (kWh) | Blok Prorata (kWh) | Kadar (RM) | Amaun (RM) | | | | | | | | | | | | | | | | | | | | | | | |
| 200 | 200 | 0.218 | 43.60 | | | | | | | | | | | | | | | | | | | | | | | |
| 100 | 100 | 0.334 | 33.40 | | | | | | | | | | | | | | | | | | | | | | | |
| 300 | 300 | 0.516 | 154.80 | | | | | | | | | | | | | | | | | | | | | | | |
| 300 | 165 | 0.546 | 90.09 | | | | | | | | | | | | | | | | | | | | | | | |
| Jumlah | 765 | | 321.89 | | | | | | | | | | | | | | | | | | | | | | | |
| | J | : Nilai yang tidak tertakluk kepada cukai perkhidmatan (321.89-90.09) = RM231.80 | | | | | | | | | | | | | | | | | | | | | | | | |

| | | |
|----|----------|--|
| | | <p>Nilai yang tertakluk kepada cukai perkhidmatan = RM90.09</p> <p>Jumlah cukai perkhidmatan yang dikenakan (RM90.09 x 6%) = RM5.41</p> |
| 4. | S | <p>: Bil elektrik yang diterima oleh Ariff terdiri daripada pengenaan Kumpulan Wang Tenaga Boleh Baharu (KWTBB). Adakah kenaaan tersebut tertakluk kepada cukai perkhidmatan?</p> |
| | J | <p>: Pengenaan KWTBB adalah tidak tertakluk kepada cukai perkhidmatan kerana ia bukan berkaitan kepada penyediaan perkhidmatan elektrik.</p> |
| 5. | S | <p>: Syarikat Pae Sdn Bhd memasang panel solar di atas bangunan syarikat. Tenaga elektrik yang dijana daripada panel solar ini akan dijual kepada Tenaga Nasional Berhad (TNB). Adakah penjualan tenaga elektrik ini tertakluk kepada cukai perkhidmatan?</p> |
| | J | <p>: Penjualan tenaga elektrik tidak tertakluk kepada cukai perkhidmatan kerana tidak diagihkan kepada pengguna kediaman.</p> |
| 6. | S | <p>: Syarikat ABC Sdn Bhd membuat program solar berskala besar di Malaysia. Loji syarikat akan menjana tenaga elektrik daripada sumber solar dan seterusnya tenaga elektrik yang dijual kepada pelanggan domestik. Adakah cukai perkhidmatan akan dikenakan ke atas tenaga elektrik yang dijana dan dijual kepada pelanggan domestik?</p> |
| | J | <p>: Tenaga elektrik yang dijual oleh syarikat ABC Sdn Bhd kepada pelanggan domestik adalah tertakluk kepada cukai perkhidmatan keatas penggunaan melebihi 600 kWh bagi satu tempoh minimum 28 hari untuk satu kitaran pembilan.</p> |
| 7. | S | <p>: JMB Kondo Perdana dikenakan perkhidmatan elektrik secara pukal oleh pemberi perkhidmatan elektrik. JMB Kondo Perdana akan mengeluarkan bil secara berasingan kepada setiap pemilik</p> |

| | | |
|-----|---|--|
| | | strata. Adakah bil yang dikeluarkan oleh JMB Kondo Perdana kepada setiap pemilik strata dikenakan cukai perkhidmatan? |
| | J | : JMB Kondo Perdana mempunyai lesen untuk perkhidmatan agihan elektrik kepada pengguna domestik. Sekiranya jualan tahunan melebihi nilai ambang, JMB Kondo Perdana hendaklah berdaftar cukai perkhidmatan. JMB Perdana hendaklah mengenakan cukai perkhidmatan atas penggunaan melebihi 600kwh bagi satu tempoh minimum 28 hari untuk satu kitaran pembilan. |
| | | |
| 8. | S | : Syarikat Janna Sdn Bhd memberi perkhidmatan agihan elektrik kepada pengguna domestik di Pulau Pangkor. Adakah cukai perkhidmatan akan dikenakan di kawasan Pulau Pangkor? |
| | J | : Perkhidmatan bercukai di dalam atau di antara Kawasan Ditetapkan (KD) seperti Pulau Pangkor tidak tertakluk kepada cukai perkhidmatan. |
| | | |
| 9. | S | : Berapakah kadar cukai perkhidmatan yang perlu dikenakan bagi perkhidmatan penghantaran dan pengagihan elektrik bermula 1 Mac 2024 ? |
| | J | : Kadar cukai sebanyak 8% akan dikenakan bagi penggunaan 601 kWh dan ke atas bermula tarikh 1 Mac 2024. |
| | | |
| 10. | S | : Berapakah kadar cukai perkhidmatan yang perlu dikenakan bagi perkhidmatan penghantaran dan pengagihan elektrik bagi pembilan sebelum 1 mac 2024 melangkaui 1 Mac 2024 ? |
| | J | : Perkhidmatan penghantaran dan pengagihan elektrik bagi penggunaan mulai 601 kwh sebelum 1 Mac 2024 adalah tertakluk pada kadar 6% dan 8% bagi perkhidmatan penghantaran dan pengagihan elektrik selepas 1 Mac 2024. |

PERTANYAAN

Sebarang pertanyaan berkaitan panduan ini sila hubungi:-

Bahagian Cukai Dalam Negeri (SST)
Cawangan Dasar Cukai Perkhidmatan
Jabatan Kastam Diraja Malaysia
Aras 6, Tower A, Suasana PjH,
Jalan Tun Abdul Razak, Presint 2
62100 Putrajaya

BANTUAN DAN MAKLUMAT LANJUT MENGENAI SST

Maklumat lanjut boleh diperolehi daripada:

- i. Laman web SST : www.mysst.customs.gov.my
- ii. Pusat Panggilan Kastam:
 - Hotline : 1-300-888-500
 - Telefon : 03-88822100/ 2300/ 2500
 - E-mel : ccc@customs.gov.my